



O'ZBEKISTON RESPUBLIKASI XALQ TA'LIMI VAZIRINING BUYRUG'I

**Jismoniy yoki psixik rivojlanishida nuqsoni bo'lgan bolalar uchun
ixtisoslashtirilgan davlat ta'lim muassasalari (maktab va maktab-internatlar)
hamda uzoq vaqt davolanishga muhtoj bolalarning uyda yakka tartibda ta'lim
olishi uchun 2020-2021 o'quv yiliga mo'ljallangan tayanch o'quv rejalarini
tasdiqlash to'g'risida**

O'zbekiston Respublikasi Xalq ta'limi vazirining 2020-yil 25-fevraldagi 52-sonli buyrug'i bilan tasdiqlangan Umumiy o'rta ta'lim maktablari uchun 2020-2021-o'quv yiliga mo'ljallangan tayanch o'quv rejasi hamda O'zbekiston Respublikasi Bosh davlat sanitariya vrachi tomonidan tasdiqlangan sanitariya qoidalari, normalari va gigiyena normativlariga muvofiq **buyuraman:**

1. Jismoniy yoki psixik rivojlanishida nuqsoni bo'lgan bolalar uchun ixtisoslashtirilgan davlat ta'lim muassasalari (maktab va maktab-internatlar)ning (bundan buyon matnda ixtisoslashtirilgan maktab-internatlar deb yuritiladi) 2020-2021-o'quv yiliga mo'ljallangan tayanch o'quv rejalarini 1-13-ilovalarga muvofiq;

jismoniy yoki psixik rivojlanishida nuqsoni bo'lgan hamda uzoq vaqt davolanishga muhtoj bolalarning uyda yakka tartibda ta'lim olishi uchun 2020-2021-o'quv yiliga mo'ljallangan tayanch o'quv rejalarini 14-17-ilovalarga muvofiq tasdiqlansin.

2. Qoraqalpog'iston Respublikasi Xalq ta'limi vazirligi, Toshkent shahar xalq ta'limi bosh boshqarmasi va viloyatlar xalq ta'limi boshqarmalariga:

uch kun muddatda mazkur buyruqni barcha turdagi ixtisoslashtirilgan maktab-internatlariga yetkazish;

o'quv jarayonini mazkur buyruq bilan tasdiqlangan tayanch o'quv rejalarini va tushuntirish xatlari asosida tashkil etilishini hamda ularning to'liq bajarilishini ta'minlash vazifalari yuklatilsin.

3. Ushbu buyruq qabul qilinishi munosabati bilan O'zbekiston Respublikasi Xalq ta'limi vazirining 2019-yil 23-avgustdagi "Jismoniy yoki psixik rivojlanishida nuqsoni bo'lgan bolalar uchun ixtisoslashtirilgan davlat ta'lim muassasalarining (maktab va maktab-internatlar) 2019-2020-o'quv yiliga mo'ljallangan tayanch o'quv rejalarini tasdiqlash to'g'risida"gi 273-sonli, 2019-yil 9-sentabrdagi "Jismoniy yoki psixik rivojlanishida nuqsoni bo'lgan hamda uzoq vaqt davolanishga muhtoj bolalarning uyda yakka tartibda ta'lim olishi uchun 2019-2020-o'quv yiliga

mo'ljallangan o'quv rejalarini tasdiqlash to'g'risida"gi 294-sonli, 2019-yil 13-sentabrdagi "Jismoniy yoki psixik rivojlanishida nuqsoni bo'lgan bolalar uchun ixtisoslashtirilgan davlat ta'lim muassasalarining (maktab va maktab-internatlar) 2019-2020-o'quv yiliga mo'ljallangan tayanch o'quv rejalarini tasdiqlash to'g'risida"gi 301-sonli hamda 2019-yil 19-sentabrdagi "Xalq ta'limi vazirining 2019-yil 9-sentabrdagi 294-sonli buyrug'iga o'zgartirish kiritish haqida"gi 305-sonli buyruqlari o'z kuchini yo'qotgan deb hisoblansin.

4. Mazkur buyruqning ijrosini nazorat qilish vazirning birinchi o'rinbosari U.Sharifxodjayev va vazir o'rinbosari D.Kenjayeov zimmasiga yuklatilsin.

Vazir



Sh.Shermatov

Toshkent sh.,
2020-yil 27 - avgust,
196 - son